

一星紀始



一

一

一

一



壹是紀始卷一

荆南新化祝亭魏崧著

定天地日月星辰陰陽之名始於地皇

外紀地皇氏定星辰分晝夜星見爲夜星隱爲晝則天地日月陰陽之名定之久矣故至伏羲畫八卦仰觀天文俯察地理畫離象日畫坎象月則月令正義引祭義黃帝正名百物謂天地陰陽日月之名至黃帝而有者非

推天高始於商

周髀天離地八萬里月令正義考靈曜地去天十九萬三千

五百里山海經海外東經注詩含神霧曰天地相去一億五  
萬里文選蜀都月賦注引靈憲自地至天一億萬六千二百  
五十里洛書甄曜度曰天一度計一千九百三十二里則天  
地相去十七萬八千五百里春秋元命苞曰天不足西北陽  
極於九故周天九九八十一萬里天之去地六萬餘里張衡  
靈憲圖八極之維徑二億三萬二千三百里南北則短減千  
里東西則廣增千里自地至天半於八極則地之深亦如之  
由此言之天至地里數一億一萬六千一百五十里

先後天圖始於史皇



外紀史皇繼伏羲氏王天下臨於立扈洛水之汭靈龜負書  
丹甲青文倉帝受之遂作圖注先天八卦圖也

推天運變遷始於漢

前漢書天運三十年一小變百年一中變五百年大變大變  
三爲一紀三紀而大備

推天行里數始於漢

考靈曜云一度二千九百三十二里千四百六十一分里之  
三百四十八周天百七萬一千里者是天圓周之里數也則  
天日行百七萬一千里靈樞經天一日凡行九十一萬里夫

人一呼一吸謂之一息一息之間天已行八十餘里人之一晝一夜有一萬三千六百餘息是故一晝一夜而天行九十一餘萬里

天文圖始於黃帝

隋天文志論蓋圖晉待中劉智云黃帝爲蓋天顓頊造渾儀昔者聖王正歷明時作蓋圖以圖列宿庾季才等準三家星位以爲蓋圖旁摛始分甄表常度並具赤黃二道內外兩規垂象著明躔離攸次星之隱顯天漢昭回宛若穹蒼

周天歷度始於庖羲

周髀算經周公問於商高曰竊聞乎大夫善數也請問古者  
庖羲立周天歷數注云建章蒨之法月令疏考靈曜云一度  
二千九百三十二里千四百六十一分里之三百四十八周  
天百七萬一千里是天圓周之里數也以圍三徑一言之則  
直徑三十五萬七千里此二十八宿周迴直徑之數也然二  
十八宿之外上下東西各有萬五千里是爲四遊之極謂之  
四表四表之內並星宿內總有三十八萬七千里天之中央  
上下正平之處則一十九萬三千五百里地在於中是地去  
天之數也論衡天之去地六萬餘里天日行一周日行一度

二千里日晝行千里夜行千里月行十三度有奇十度二萬里三度六千里月一晝夜行二萬六千餘里天行三百六十五度積凡七十三萬里

占天始於黃帝

外紀黃帝命大撓探五行之情占斗綱所建命羲和占日常儀占月車與區占星帝問鬼與區曰上下周紀其可數乎對曰天以六節地以五制用天氣者六氣爲備用地紀者五歲爲周五六合者歲三千七百二十四氣爲一紀六十歲千四百四十氣爲一周乃因五量治五氣以作調歷歲紀甲寅月紀



甲子而時節定史天官書晉之傳天數者高辛之前顓帝相  
重黎唐虞羲和有夏昆吾商巫咸周室史佚萇宏於宋子韋  
鄭裨竈在齊甘公德楚唐昧越尹臯魏石申夫藝文志楚有  
甘公史記正義楚甘德作天文星占八卷

### 九重天始於黃帝

渾蓋通憲天有九重層層相包其相間各有道里可測第一  
重宗動天離地六萬四千七百三十三萬六百九十餘里第  
二重二十八宿天離地三萬二千二百七十六萬七千八百  
四十五里零第三重填星天離地二萬零五百七十七萬零



五百六十四里第四重歲星天離地一萬二千六百七十六  
萬九千五百八十四里第五重熒惑天離地二千七百四十  
一萬二千一百里第六重日輪天離地一千六百零五萬五  
千六百九十里第七重太白天離地中心二百四十萬零六  
百八十一里第八重辰星天離地中心九十一萬八千七百  
五十里第九重月輪天離地中心四十八萬二千五百二十  
二里於地爲最近

禁私習天文始於宋

宋史天文圖書藏秘閣西偏有內侍專掌禁私習者嘉祐中

校經史兵法小學醫術禮書惟天文五行未嘗是正諸儒亦莫得考也

兩戒始於漢

漢天文志元封中星孛於河戒占曰南戒爲越門北戒爲胡門唐僧一行以爲天下山河之象存乎兩戒北戒自三危積石負地絡之陰東及太華北底常山又東北徇塞至朝鮮是謂北紀南戒自岷山蟠冢負地絡之陽東及太華南踰江漢又東南徇嶺至閩中是謂南紀

分黃赤道始於黃帝

周禮馮相氏疏黃帝占云天道有三黃道者日月五星所乘  
晉志房四星爲明堂天子布政之宮也中間爲天衢爲天闕  
黃道之所經也七曜由乎天衢則天下和平東井八星天之  
南門黃道所經用法平則井星明而端列洪範正義張衡蔡  
邕王蕃等說渾天儀天體圓如彈丸北高南下北極出地三  
十六度南極入地三十六度南極去北極百八十二度強當  
天之中二極中等之處謂之赤道去南北極各九十一度春  
分日行赤道從此漸北夏至赤道之北二十四度去北極六  
十七度去南極百十五度日行黑道從夏至後日漸南至秋

分還行赤道與春分同冬至行赤道之南二十四度去南極  
六十七度去北極百十五度日行處謂之黃道又有同行之  
道與月道相近交中而過半裏半表當交則兩道相合交去  
極遠處兩道相去六度日月行道之大畧也後漢志歷法  
赤道之度則北方九十八度四分一西方八十度南方百十  
二度東方七十五度黃道之度則北方九十六度四分一西  
方八十三度南方百九度東方七十七度歷家以爲周天赤  
道一百七萬四千里日一晝夜而一周春秋二分晝夜各行  
其半而夏長冬短一進一退又各以其什之一歷志赤道帶



天之中去兩極各九十一度少強黃道日之所行也半在赤道外半在赤道內與赤道東交於角五少弱西交於奎十四少強以兩儀推之二道俱三百六十五度是以知天如彈丸也唐天文志赤道帶天之中以分列宿之度黃道斜運以分日月之行

詳日月所出始於夏

山海經猗天山蘇門山日月所出又明星山日月所出又大荒之中有方山日月所自出也

日月徑始於庖犧



周髀日光外照徑八十一萬里徐整長歷月徑千里周圍三千里下於天七千里靈憲懸象著明莫大乎日月其徑當天周七百三十六分之一地廣二百四十二分之一

推日月食始於黃帝定方向及時刻始於漢

長編黃帝迎日推策策數也謂日月朔望未來而推之也凡月建大小及日月食皆逆推而得之南齊志漢尚書令黃香曰日蝕皆從西月蝕皆從東無上下中央者夫日月交會以百七十三日有奇爲限春秋正義日月之道互相出入或月在日表從外入內或月在日裏從內出外道有交錯故日食

朔則交會故食必在朔劉歆三統以為五月二十三日月之  
二十而日一食空得食日而不得加時漢末劉洪作乾象歷  
始推日行遲疾求日食加時後代修之漸益微密唐志大行  
合朔議考漢元光已來史官記注日蝕有加時者凡三十七  
事

占星占日占月占歲始黃帝

晁氏志司天考占星通元寶鏡一卷題曰巫咸氏巫咸黃帝  
臣也以日月五星三垣二十八宿常星圖象次舍有占訣以  
候休咎呂氏春秋義和作占日尚儀作占月后益作占歲在

皆黃帝臣也葛洪釋渾天儀引黃帝河圖云歲星之精流爲  
天棊史記索隱黃帝使車與星會要至和元年七月二十  
一日楊維億言客星見微有光采黃色按黃帝掌握占云客  
星來犯畢明盛者至國有大賢詔送史館文苑英華按黃帝  
占云老人星一名壽星周禮眡祲掌十輝之法以觀妖祥辨  
吉凶祲象鑄監閭曹彌叙階想

定日月冬至始於地皇

外紀地皇氏定星辰分晝夜以三十日爲一月十二月爲冬  
至

史書日食始於周幽王

周幽王六年辛卯朔日有食之史書日食始此

星官書始於黃帝

隋志星官之書始於黃帝三國時吳太史令陳卓始列廿氏  
石氏巫咸三家星官著於圖錄並著占驗總有二百五十四  
官一千二百八十三星並二十八宿及輔官附坐二百八十  
二星總二百八十三官一千五百六十五星宋元嘉中太史  
令錢樂之鑄渾天銅儀以黃朱墨三色用殊三家而令陳卓  
之數按為洪釋渾天儀引黃帝書曰天在地外水在天外水



浮天而載地又引黃帝占參應上將

星屬始於魏石氏

禮大司疏案石氏星經云房星為天帝之明堂布政之所出  
星去斗極遠近數始於

宋祥符三年七月壬午冬官正韓顯符上外官星位去斗極  
度數如太子星去極十五度角二星去極九十七度半六四  
星去極九十六度等是也

星數始於黃帝

後漢天文志黃帝分星次方中外官常明者自有二十四可



名者三百二十微星二千五百而海人之占未存焉微星之  
數萬有一千五百二十前大文志凡天文在圖籍昭昭可考  
者經星常宿中外官凡百十八名積數七百八十二星晉志  
武帝時太史令陳卓總甘石巫咸三家所著星圖大凡二百  
八十三官一千四百六十四星以爲定紀乾象新書巫咸中  
官星三十一列肆至虎賁外官星九十五陽門至土司空紫  
微垣星十八御女至鈎魏石申夫列舍星一百六十六角至  
軫中官星三百十八招搖至即將外官星二百七十一平星  
至長沙紫微垣星五十四北極至文昌齊甘德中官星二百

一平道至謁者外官星二百九天門至青邱紫微垣一百一  
四輔至六穀

十二次始於黃帝

帝王世紀黃帝推分百次以定律度自斗十一度至婺女七  
度一名須女曰星紀之次於辰在丑謂之赤奮若於律爲黃  
鍾斗建在子今吳越分野自女六度至危十六度曰元枵之  
次一名天竈於辰在子謂之困敦於律爲大呂斗建在丑今  
齊分野自危十七度至奎四度曰豕韋之次一名娵訾於辰  
在亥謂之大淵獻於律爲太簇斗建在寅今衛分野自奎五

度至胃六度曰降婁之次於辰在戌謂之闕茂於律爲夾鍾  
斗建在卯今魯分野自胃七度至畢十一度曰大梁之次於  
辰在酉謂之作噩於律爲姑洗斗建在辰今趙分野自畢十  
二度至東井十五度曰實沈之次於辰在申謂之泥灘於律  
爲仲呂斗建在巳今魏晉分野自井十六度至柳八度曰鶉  
首之次於辰在未謂之協洽於律爲蕤賓斗建在午今秦分  
野自柳九度至張十七度曰鶉火之次於辰在午謂之敦牂  
一名大律於律爲林鍾斗建在未今周分野自張十八度至  
軫十一度曰鶉尾之次於辰在巳謂之大荒落於律爲夷則

斗建在申今楚分野自軫十二度至氏四度曰壽星之次於  
 辰在辰謂之執徐於律為南呂斗建在酉今韓分野自氏五  
 度至尾九度曰大火之次於辰在卯謂之單闕於律為無射  
 斗建在戌今宋分野自危十度至斗十度百三十五分而終  
 曰析木之次於辰在寅謂之攝提格於律為應鍾斗建在亥  
 今燕分野度計二千九百三十二里一次三十度三十二分  
 度之十四各以附其七宿間距周天積百七萬九百一十三  
 里徑三十五萬六千六百七十一里陽道左行故木歲右轉  
 凡中外官常明者百二十四可名者三百二十各二千五百



里微星之數凡萬有一千五百二十里萬物所受感繫命焉  
北斗分野始於漢

漢天文志北斗七星所謂璇璣玉衡以齊七政杓攜龍角衡  
殷南斗魁枕參首用昏建者杓杓自華以西南夜半建者衡  
衡殷中州河濟之間平旦建者魁魁海嶽以東北也晉志北  
斗七星七政之樞機陰陽之元本也魁四星爲璇機杓三星  
爲玉衡又第一星曰天樞二曰璇三曰機四曰權五曰衡六  
曰開陽七曰搖光一至四爲魁五至七爲杓呂氏云一至秦  
二至楚三至梁四至吳五至燕六至趙七至齊星經玉衡一



徐二益三冀四荆五兗六揚七豫八幽九并

干支分野始於漢

天官書甲乙四海之外丙丁江淮海岱戊巳中州河濟庚辛  
華山以西壬癸常山以北淮南子甲齊乙東夷丙楚丁南夷  
戊魏巳韓庚秦辛西夷壬衛癸越子周丑翟寅楚卯鄭辰晉  
巳衛午秦未宋申齊酉魯戌趙亥燕

河漢分野始於漢

漢志南戒爲越門北戒爲胡門唐志山河之象存兩戒觀兩  
河之象與雲漢始終是也

十二次分野始於周

周禮保章氏注星紀吳越析木燕益黃帝始分十二次至周則以次紀野

二十八宿分野始於漢

史記天官書二十八舍主十二州角亢氏兗房心豫尾箕幽斗江湖牽牛婺女揚虛危青營室東壁並奎婁胃徐昂異真觜觿參益東井輿鬼雍柳七星張三河翼軫荆梁淮南子以角亢屬鄭

五星分野始於周

天官書秦之強候太白占狼狐吳楚候熒惑占烏衡燕齊候  
辰星占虛危宋鄭候歲星占房心晉亦候辰星占參伐

推星辰相距遠近始於庖犧

周髀庖犧立周天歷數廣推天度云東方七宿七十五度南  
方七宿百二十度西方七宿八十度北方七宿九十八度四  
分度之一一度二千九百三十二里二十八宿間相距積百  
七萬九百十三里徑三十五萬六千九百七十里

推五星順逆始於周

漢志古歷五星之推無逆行者甘石經以熒惑太白有逆行

按周禮保章氏掌天星以志星辰日月之變動則周初已明推其順逆矣

雜星衆占有書始於漢

黃帝時景星見唐虞時卿雲春秋時星彗星孛皆未有書也  
晉志圖緯舊說及漢末劉表爲荊州牧命武陵太守劉叡集  
天文象占名荊州占其雜星之體有瑞妖客流星瑞妖日旁  
氣

五星爻象歷始於晉

歷志大衍歷七術七曰步五星術五星有終率變差象算爻



算辰秒微分之法以一象一爻之法除之而知所起究所入  
其曰五星爻象歷每星皆有陰陽老少損益進退之殊自初  
至上者凡再以所入爻與後爻損益率相減爲前差又以後  
爻與次後爻損益率相減爲後差二差相減爲中差星之順  
逆疾徐皆有常度變之前後則知其爲陽爻陰爻與黃道之  
南北矣

太乙數始於黃帝九宮七色亦始於黃帝

黃帝元女兵法曰黃帝有六甲陰陽之道武經總要太乙者  
天帝之神也其星在天之南總十六神知風雨水旱兵革饑

謹陰陽二局存諸秘式星文之次舍分野之災祥貴乎先知  
 逆為之備用軍行師主客勝負益天人之際相參焉唐志兵  
 書有黃帝太乙兵歷一卷隋志五行有黃帝太乙雜書十六  
 卷唐六典大卜令凡式占辨三式之同異雷公太乙六壬太  
 乙北極之神名也居其所曰太乙常行於八卦日辰之間曰  
 天一其佐有五帝其神實首九宮後漢高彪傳作箴曰天有  
 太乙五將三門注太乙式凡舉事皆欲發三門順五將三門  
 開休生五將天目文昌等唐僧一行撰天一太一經及太一  
 局遁甲經各一卷又黃帝九宮經一宮其神太一星天蓬卦

坎行水方白二宮其神攝提星天芮卦坤行土方黑三宮其  
神軒轅星天衝卦震行木方碧四宮其神招搖星天輔卦巽  
行木方綠五宮其神天符星天禽卦坤行土方黃六宮其神  
青龍星天心卦乾行金方白七宮其神咸池星天柱卦兌行  
金方赤八宮其神太陰星天任卦艮行土方白九宮其神天  
一星天英卦離行火方紫按九宮經已有九宮七色之說則丹  
鉛錄謂出於乾鑿度者非也

星有神號始於晉

據景星卿雲則唐虞已有名號至名以神則始於晉志晉志  
句陳口中一星曰天皇大帝其神曰曜魄黃帝寶坐一星在

太微中舍樞紐之神也四帝坐四星挾黃帝坐東方蒼帝靈  
威邛之神也南方赤帝赤嫫怒之神也西方白帝白招拒之  
神也北方黑帝叶光紀之神也

七政雲霓風雨占始於黃帝

太平御覽引黃帝占書黃帝風經河圖令占篇帝王世紀黃  
帝遊洛水見大魚始得圖書今河圖是也春秋正義引河圖  
云陰陽相薄爲雷尚書大傳黃帝風經曰調長祥和天之喜  
風也折揚奮厲天之怒風也漢藝文志天文二十一家四百  
四十五卷自泰壹雜子星至圖書秘記有日月五星雲霓風



雨之占續志孝明帝使班固叙漢書而馬續天文志注謝沈  
書曰蔡邕撰建武以後星驗著明以續前志譙周接繼其下  
晉志諸侯之史梓慎卜偃裨竈子韋甘德唐昧尹臯石申夫  
皆掌著天文各論圖驗

分至占雲色始於黃帝

黃帝陰陽書以二至二分觀色青爲蟲白爲喪赤爲兵黑爲  
水黃爲豐

風角始於東漢

漢順帝時張衡上言律呂卦候九宮風角數有徵效風角者

候四方四隅之風占吉凶也又桓帝時張成善風角

兵類雜占始於周

通典兵類有風雲氣候雜占太公孫子云云

制于支始於伏羲

路史伏羲命潛龍氏筮之乃迎日推策相剛柔造甲子以命  
歲時配天爲干配地爲枝枝幹配類以綱維乎四方故情僞  
相感而星辰以順通鑑外紀黃帝師大撓探五行之情占斗  
綱所建始作甲子甲謂幹子謂枝枝幹相配以紀日前此天  
皇時第紀以歲陽如十干關逢卽甲旃蒙卽乙柔兆卽丙彊

圜卽丁著雍卽戊屠維卽巳上章卽庚重光卽辛元戰卽壬  
昭陽卽癸十二支曰困敦卽于赤奮若卽丑攝提格卽寅單  
闕卽卯執徐卽辰大荒落卽巳敦牂卽午協洽卽未涒灘卽  
申作噩卽酉闔茂卽戌大淵獻卽亥是也

### 十二支屬始於周

吳越春秋子胥爲闔閭築大城因越在巳地故作蛇門而吳  
在辰位其龍位也故小城南門上反羽爲兩鯢以象龍首至  
紀原稱黃帝六子正十二辰以名月又以十二獸名屬雖引  
事始無所指屬

一曰分十二時始於周

杜預注左傳卜楚邱十時之語曰夜半曰鷄鳴曰平旦曰日出曰食時曰隅中曰日中曰日昃曰晡時曰日入曰黃昏曰人定雖未立十二支之目亦已分十二時數術記遺注藝文曰捐闕者周公作也先本位以十二時相從自太初改正朔之後始明定十二時

日以刻計始於堯

堯典正義堯命羲仲令居治東方於日晝夜中分刻漏正等馬融云古制刻漏晝夜百刻晝長六十刻夜短四十刻晝短



四十刻夜長六十刻晝中五十刻夜亦五十刻隋天文志梁  
天監六年武帝以晝夜百刻分配十二辰辰得八刻仍有餘  
分乃以晝夜爲九十六刻一辰有全刻八焉一刻十五分至  
大同十年又改爲一百八刻

夜分五更始於漢

周禮司寤氏掌夜時澠夜時謂夜晚早若令甲乙至戊顏氏  
家訓或問一夜何故五更答曰漢魏以來謂爲甲夜乙夜丙  
夜丁夜戊夜亦云一更二更三更四更五更皆以五爲節所  
以然者假令正月建寅斗柄夕則指寅曉則指午矣自寅至

管子經文 卷一  
午凡歷五辰冬夏之月雖復長短參差然辰間遼濶氣不至  
六縮不至四進退常在五者之間更歷也故曰五更爾  
二十四氣始於大臯

董巴議昔伏羲始造八卦作三畫以象二十四氣消息福福  
以制吉凶朱震曰黃帝建氣物分數氣謂二十四氣也則中  
氣其來尚矣

七十二候始於黃帝

黃帝素問曰五日謂之候三候謂之氣六氣謂之時其時祇  
有候之名至周公則著其物周書序周公辨二十四氣之應

以明天時作時訓唐大衍歷議七十二候原於周公時訓解  
八節始於伏羲

春秋內事伏羲氏始畫八卦定天地之位分陰陽之數推列  
三光建分八節八節者四立二分二至也

五行始於神農

前志五行家神農大幽五行二十七卷則紀原引史記歷書  
黃帝建立五行起五部謂始於黃帝者非

五行生尅名號始於漢

淮南子五行子生母曰義母生子曰保子母相得曰專母勝

子曰制子勝母曰困抱僕子引靈寶經謂支干上生下曰寶  
下生上曰義上尅下曰制下尅上曰伐上下同曰專以保爲  
寶以困爲伐今歷家承用之

月置大小建始於伏羲

外紀地皇氏分晝夜以三十日爲一月但其時尚未分大建  
小建周髀算經置小月二十九日大月三十日商高所言皆  
伏羲歷數白虎通月行或過或不及日不可分故月有大小  
建除滿平始於黃帝

越絕書黃帝之元執辰破巳太公六韜云開牙門當背建又



史記曰者傳有建除家以爲不利淮南天文訓寅爲建卯爲  
除辰爲滿巳爲平壬生午爲定未爲執壬陷申爲破壬衝酉  
爲危壬杓戌爲成壬少德亥爲收壬大德子爲開壬太歲丑  
爲閉壬太陰

壬中氣始於顛頊

唐歷議顛歷實夏歷也夏歷章節紀首皆在立春課中星揆  
斗建與閏餘盈縮皆以十二節爲損益之中而殷周漢歷章  
節紀首皆直冬至故名察發歛亦以中氣爲壬此其異也

置閏始於黃帝

晉律歷志黃帝使羲和占日尚儀占月車區占星伶倫造律  
呂大撓造甲子隸首作算數容成綜斯六術考定氣象建五  
行察發歛起消息正閏餘述而著焉謂之調歷外紀是歲已  
酉朔旦日南至而獲神策寶鼎迎日推策造十六神歷積刊  
分以置閏配甲子而設部

隨時置閏始於唐堯

顓帝歷置閏在歲後秦建亥正用之漢興百二年因秦正閏  
亦置終故書九月者數至武帝始用夏正夏歷承堯堯歷考  
中星定分至隨時置閏故四時不差遂爲後世法積三十三

月而一閏

遇閏加增始於唐

唐庸法用人之力歲定二旬閏加二日不役則收其直緡三  
尺

統分正閏始於漢

司馬溫公曰漢儒推五德生勝以秦爲閏位在水火之間霸  
而不王於是正閏之論興

五德運始於太昊

通歷太昊以木德王始有甲歷五運前漢郊祀志劉向父子

以爲帝出乎震故伏羲氏始受木德齊鄒衍論終始五德之  
運秦始皇采之以爲周得火德秦代周從所不勝爲水德三  
百歲爲一德五德備一千五百歲

歷法始於庖犧

通歷伏羲在位百一十年始有甲歷五運古三墳伏羲命臣  
潛龍氏作甲歷謝察微算經曰容成造歷歷所以序四時之  
位正分至之節會日月五星之辰以考寒暑殺生之實又世  
本容成造歷注黃帝史官也外紀甲歷起於甲寅干支相配  
爲十二辰六甲而天道周矣歲以是紀而年不亂月以是紀



而時不易

歷書天盤用乾坤艮巽始於漢

淮南子天文訓曰子午卯酉爲二繩丑寅辰巳未申戌亥爲  
四鉤東北爲報德之維西南爲背陽之維東南爲常羊之維  
西北爲蹠通之維斗指子則冬至加十五日指癸則小寒加  
十五日指丑則大寒加十五日指報德之維則越陰在地故  
曰距日冬至四十六日而立春加十五日指寅則雨水加十  
五日指甲則雷驚蟄加十五日指卯中繩故曰春分則雷行  
加十五日指乙則清明風至加十五日指辰則穀雨加十五

日指常羊之維則春分盡故曰有四十六日而立夏加十五日指巳則小滿加十五日指丙則芒種加十五日指午則陽氣極故曰有四十六日而夏至加十五日指丁則小暑加十五日指未則大暑加十五日指昔陽之維則夏分盡故曰有四十六日而立秋加十五日指甲則處暑加十五日指庚則白露降加十五日指酉中繩故曰秋分加十五日指辛則寒露加十五日指戌則霜降加十五日指躡通之維則秋分盡故曰有四十六日而立冬加十五日指亥則小雪加十五日指壬則大雪加十五日指子所謂報德之維常羊之維昔陽

之維蹠通之維卽良巽坤乾也後人省文遂以卦名當之

欽天監始於明

此卽馮相保章職也六韜曰天文三人主司星歷候風氣推  
時日漢爲太史隸太常唐改司天臺有監有少監有丞其屬  
春夏中秋冬五官官有正副又有保章正靈臺卽監候挈壺  
司歷司辰隸秘書省五代曰欽天歷宋曰司天監初置判監  
事一人以五官正充元豐罷監設太史局置太史令明興設  
欽天監主歷數天文星紀監有正一人副二人分春夏中秋  
冬五官官設正一人專理歷法造歷司歷監候佐之有靈臺

即有保章正挈壺正刻漏博士

五官正始於唐

通典唐肅宗乾元元年改太史局爲司天監置五官正謂春  
夏中秋冬也

歷用夏正始於漢

古歷有六家黃帝顓帝夏商周魯是也秦用顓帝歷漢初因  
之漢武太初元年夏五月造太初歷以正月爲歲首

建寅始於伏羲

古三墳吳英氏進歷於君曰歷起甲寅伏羲星曰甲曰寅辰



木王於卯乃設傳教臺告民示始甲寅索隱曰案古歷者謂黃  
帝調歷以前有上元太初歷等皆以建寅爲正謂之孟春也  
鄭康成三帛注舜以十一月堯以十二月高陽十一月少昊  
十二月黃帝十一月炎帝十一月女媧十二月

算法始於宓犧

管子輕重戊篇處犧氏造六峯以迎陰陽作九九之數以合  
天道而天下化之師古曰九九算法若今九章五曹之類又  
劉徽九章算經序云庖犧始畫八卦作九九之數以合六爻  
之變外紀黃帝命隸首作算數謂衍九章等法也算經黃帝

分三數為十等三數上中下也晉書黃帝使隸首作算數之數方田粟米差分少廣商功均輸方程贏不足旁要漢有重差夕桀句股三篇算數以句股替旁要則旁要者句股之類也

推步占候始於黃帝

抱樸子黃帝精推步則訪山稽力牧講占候則詢風后史記黃帝迎日推策晉灼曰策數也瓚口朔望未來而推之故曰迎日

歲差法始於晉

晉志虞喜立歲章法五十年退一度北齊張子信以古歷推之凡八十餘年差一度歷志大衍合朔議虞喜使天爲天歲爲歲約五十年退一度何承天以爲太過乃倍其年唐僧一行又制八十三年率又不及劉焯取二家中數爲七十五年宋慶元時統天歷又改爲六十七年攷堯時冬至日在虛一度夏太康十二年戊子冬至日在女十一度商太甲二年壬午在女六度秦始皇十七年癸未冬至日在牛漢在斗晉元嘉十年冬至日在斗十四度今在箕一度

推開闢歲數始於晉

宋志劉智推三百年斗歷改憲以爲四分法三百年而減一  
日江左中領軍王朔之以其上元歲在甲子依術推致欲以  
九萬七千歲爲開闢之始則自渾敦氏至周景主庚申三千  
九年魯狩獲麟之歲計九萬六千一百有三年

術學始於黃帝

史記黃帝得寶鼎神策於是迎日推策凡二十推三百八十  
年黃帝在位如其數仙登於天

漏刻始於黃帝

隋志黃帝創漏水初學記梁刻經云冬至晝漏四十五刻冬



至之後日長九日加一刻夏至晝漏六十五刻夏至之後日短九日減一刻晉志旗端四星南北列曰天桴鼓桴也玉晷漏律呂之事天文要集女史一星在柱下史比至轉漏

鐘表始於唐

唐書拂菻國其王城門懸一大金秤以金丸十二枚屬於衡端以候日之十二時爲一金人其大如人立於側每至一時其金丸輒落鏗然發聲引唱以紀時日毫釐無失

署庭設石表始於宋

宋宣和進士曾南中通天文授南昌尉嘗謂古人揆景之法

載經傳者不一止較景之短長未與刻漏相應乃爲晷景圖以木爲規四分其廣而殺其一狀如缺月書辰刻於其旁爲基以薦之缺上而圓下南高而北低當規之中植針以爲表表之兩端一指北極一指南極春分以後視北極之表秋分以後視南極之表所得晷景與刻漏相應二分之一日南北二表皆無景獨其側有景以其側應赤道春分後日入赤道內秋分後日出赤道外二分日行赤道故南北皆無景嗣是朝廟衙署皆庭設石表以覘時刻

鐘鼓樓始於隋

唐儀衛志百官班於殿庭左右循使二人分洫於鐘鼓樓下  
註長樂宮有鐘室南朝有端門鼓漏景陽鐘隋唐殿庭有樓  
置鐘鼓

更用鼓點用鐘始於唐

羅頎物原軒轅始用刻漏周公始分更點則更點始於周至  
用鼓用鐘則始於唐唐百志官祠部掌天文漏刻昏明更以  
擊鼓爲節點以擊鐘爲節會要金吾衛正元三年閏四月八  
日敕四月以後五更三點放鼓及日出後一刻傳點三刻進  
坐牌劉鄴待漏院詩有勘契之語宋禁中有更點在長春殿

門外更以鼓點以鉦

符讖始於夏

通志桀見籙書云亡夏者桀於是大誅豪傑至湯則墳墓中亦有讖壠上記後魏天賜中河東人張恩盜發湯塚誌云我死二千年困於恩恩得古鐘磬皆投於河

推背圖始於唐堯

詩大明疏唐堯之受河圖昌名已在其錄宋志堯修壇場於河雒有龍馬吐甲圖而去赤文綠色其圖以白玉爲檢檢文白闔色授帝舜搜神記舜耕歷山得玉歷於河際之巖知天



命在已體道不倦舊唐書王世充將謀篡位有道士桓法嗣者自言解圖讖乃上孔子閉房記畫作丈夫持一竿以驅羊釋云隋楊姓也竿一者王字也王居楊後明相國代隋爲帝也世充大悅此皆李淳風推背濫觴也

奇門遁甲始於黃帝

烟波釣叟賦軒轅黃帝戰蚩尤涿鹿經今苦未休神龍負圖出洛水彩鳳啣來碧雲東因命風后演成文遁甲奇門從此始一千八百當時制太公刪成七十二逮於漢代張子房一十八局爲精義隋志五行類有黃帝出軍遁甲式

王相孤虛始於黃帝

後魏術藝傳殷紹太安四年上四序堪輿表曰道人法穆等以先賢和公所注黃帝四序經文三十六卷其第一孟序說陰陽配合之原其二仲序解四時氣王休殺吉凶第三叔序明日月辰宿交會相生相為表裏第四季序具十六甲刑禍福德藝文志有風后孤虛二十卷吳越春秋計倪曰孤虛謂天門地戶也明於孤虛乃可量敵抱樸外篇太公時候說曰從孤擊虛萬人無餘太一在王帳之中不可攻也

西洋人造歷始於明

明萬曆二十九年西洋人利瑪竇等來中國推日食毫釐不爽遂令入欽天監本西洋法造歷推步密於中法據明史崇禎二年詔西洋人龍華民等推步

候歲始於黃帝

藝文志有秦壹雜子候歲二十二卷天文志凡候歲表惡謹候歲始冬至日臘明且立春日四者候之決八風察太歲所在金穰水毀木飢火旱

歷載候始於後魏

唐士大衍卦候議七十二候原於周公時訓如春分元鳥至

又五日雷乃發聲是也月令雖有增益然先後之次則同自後魏始載於歷

歷書宋墨始於唐

集賢注記自置院之後每年十一月內卽令書院寫新歷日一百二十本頒賜親王公主及宰相公卿等皆分朱墨分布具註歷星遞相傳寫謂集賢院本

官曆始於宋

宋神宗用新法官曆歷日劉摯疏其征利則下至歷日而官粥之



各省印授時歷始於元

元至元十九年十一月命各省印授時歷

憲書後列兩甲子始於宋

宋史太宗至道二年司天冬官正楊文鑑請新歷六甲外增  
六十年事上曰干支相承雖止六十倘兩周甲子共成上壽  
之數使年老之人得見所生之歲不亦善乎因詔新歷以百  
二十甲子爲限

歷年圖始於唐

唐路惟衡撰帝王歷數圖太和元年劉軻以帝王年號世數

次爲帝王歷數歌宋雍熙四年龔穎撰運歷圖歷代年紀圖  
治平元年司馬光撰歷年圖

紀元始於黃帝

長編黃帝代神農爲天子始紀卽位之年曰元其時尚未用  
字

改元始於戰國

史記秦惠文王十四年更爲元年汲冢周書魏惠王有後元  
年

紀元用號始於漢

漢武帝建元元年後世人君有國號始此攷自漢至明歷代  
正偏年號四百七十三歷代僭偽年號四百二十五共計八  
百九十八

稱歲始於禹

按黃帝定星歷正閏餘以肇歲堯定四時成歲尚未以歲名  
也堯舜稱載至禹始稱歲殷湯卽位改歲曰祀

擇日始於周

禮外事以剛日內事以柔日詩吉日庚午吉日維戊

年歲以幾分計始於漢

周禮司稼出斂法註若什傷二三實除減半疏舉漢以况謂  
漢時十分之內傷二分三分餘有七分八分在

郵行限日始於漢

周禮旌節註執此節以送行者皆以道里日時課如今行郵  
有程以防姦擅有所通也

農忙停訟始於周

史記召公巡行鄉邑聽斷於隴畝阡陌之間以蠶桑耕種之  
時乃弛獄出居民使得反業庶人無失職者

季報始於明



明洪武六年九月定有司季報歲報

斷屠日始於隋

隋高祖仁壽三年詔六月十三日是朕生日宜令海內爲武  
皇帝后斷屠高承事物紀原唐刑法志武德二年詔斷屠日  
不行刑會要武德二年正月二十四日詔自今以後每年正  
月五月九月及每月十齊日並斷屠

報雨雪豐歉始於唐

唐劉晏以戶口滋多則賦稅自廣故其理財常以養民爲先  
諸道各置知院官每月具報雨雪豐歉之狀以白使司宋寶

元初詔諸州旬上雨雲著爲令明洪武中令天下州縣長吏  
月奏雨澤大明會典具載雨澤奏本式

禱雨始於神農

神農禱雨書甲乙日不雨命爲青龍東方小童子舞之丙丁  
不雨命爲赤龍南方壯者舞之戊巳不雨命爲黃龍中央壯  
者舞之庚辛不雨命爲白龍西方老人舞之王癸不雨命爲  
黑龍北方老人舞之如若不雨闔南門置水其外開北門取  
人骨埋之

禱雨衣皂始於漢

漢禮儀志立夏衣赤求雨衣皂

迎春始於商

月令迎春東郊注王居明堂禮曰出十五里迎歲益殷禮也  
周近郊五十里

春牛始於周芒神始於漢

物原周公始制立春土牛後漢禮儀志立春之日百官衣青衣立青幡施土牛耕人於門外以示兆民宋景祐元年司天監校土牛經一卷去其重複釋牛色等四篇爲農事之占十月巳巳命制誥丁度序之頒天下其牛色及執策者衣並

以歲月支干納音相配按月令出土牛以月建屬丑爲牛能  
制水故特作以畢寒氣非春牛也

元會賀儀始於漢

晉志漢以高帝十月定秦遂爲歲首至武帝雖改用夏正然  
每月月朔至於十月朔猶常饗會如元正儀虞延建武二十  
三年元正朝賀帝望而識延

元旦百官朝后始於唐

唐高宗儀鳳三年春正月百官四夷朝天后於光順門時高  
宗稱天皇故則天稱天后



元旦至初八所屬鷄狗始於漢

東方朔占書一日爲鷄二日爲狗三日爲猪四日爲羊五日爲牛六日爲馬七日爲人八日爲穀

上元張燈始於唐

唐光天中東都設燈迎三宮太乙故有金吾不禁夜之語宋太宗則三元不禁夜此乃沿襲漢武祠太乙自晉至明故事梁簡文有列燈賦陳後主有光燿殿造咏燈山詩雖在唐而猶歲不常設

上元中元下元始於漢

漢書律歷志上元至伐桀之歲十四萬一千四百八十年列  
子楊朱云伏羲至今三十餘萬歲唐德宗建中時改正元歷  
時有術士曹士蒞以高宗顯慶五年爲上元雨水爲歲首行  
於民間稱小歷五季相沿至石晉時馬重績遂本土爲法造  
調元歷其法以唐元宗天寶乙未爲上元雨水爲歲首

月上中下旬稱上浣中浣下浣始於唐

唐制朝臣十日一給假俸資浣沐一月三給假以十日爲浣  
沐之期

立春爲正月始於顓頊

晉律歷志顓帝以今之孟春月爲元其時正月朔旦立春五  
是會於天歷營室也故顓帝聖人爲歷宗也更以十一月朔  
旦冬至爲元首據正四時夏爲得天以承堯舜從顓頊之故  
也禮記大戴曰虞夏之歷建正於孟春此之謂也

改啟蟄屬二月雨水屬正月始於漢

夏小正正月啟蟄淮南子天文篇先雨水後驚蟄春秋正義  
太初以後更改氣名以雨水爲正月中驚蟄爲二月節迄今  
不改注漢初以雨水爲二月節

上巳始於周

東晉說曲水流觴之事始於周公營洛所制引逸詩羽觴隨  
波

寒食始於周

史介子推隱綿上山中晉文公使人求之不獲焚其山子推  
死焉爲之寒食按周禮司烜氏修火禁於國中注爲季春將  
出火也今寒食准節氣是仲春之末清明是三月之初則禁  
火係周之舊制不因子推也則周舉移書魏武明罰令陸翽  
鄴中記並云寒食斷火起於子推者非

七夕始於漢



淮南子七月七日夜烏雀填河成橋而渡織女續齊諧記桂陽城武丁有仙道忽謂其弟曰七月七日織女當渡河吾向已被召弟問織女何事渡河曰暫詣牽牛

按古雅云河鼓謂之牽牛又歌曰東飛伯勞西飛燕黃姑織女時相見黃姑卽河鼓也音訛耳容齋隨筆曰宋懿禧王當七夕夜令楊玉夫伺織女渡河曰見當報我錢希白洞微志載蘇德哥爲徐肇祀其先人曰當夜半可矣蓋候鬼宿渡河之後翟公弼作祭儀十卷云或祭於春或祭於旦皆非是當以鬼宿渡河爲候而鬼宿渡河常在中夜必使仰占以候之

葉少蘊云公與博學多聞援證皆有據吁是皆荒陋之甚也  
考經星爲天之體隨天西行一日繞地一周故鬼宿春昏見  
於南夏晨見於東秋夜半見於東冬昏見於東不似緯星周  
天各有年數曷有渡河及常在中夜之理織女晨昏與鬼宿  
正相反蒼梧固荒謬錢與翟葉三人亦不深考說者又據杜  
少陵詩牛女謾愁思秋期猶渡河牛女年年渡何曾風浪生  
梁劉孝儀詩欲待黃昏至含嬌渡淺河以爲實有是事不知  
此皆沿淮南鳥鵲填河而渡織女牽俗遺詞耳迨觀杜老詩  
又云牽牛出河西織女處其東萬古永相望七夕誰見同神

光終難候此事竟朦朧蓋已知淮南子及續齊諧記云織女  
嫁牽牛諸說之謬矣

### 三伏始於始皇

史記註史皇置伏史皇倉帝也繼伏羲王天下又秦德公三  
年始爲伏注六月上伏日秦所置伏者藏也庚金伏於大火  
之下故曰伏夏至後第三庚爲初伏第四庚爲中伏第五庚  
爲末伏陰陽書以立秋後初庚爲末伏者誤

### 冬至朝會始於漢

小史賀冬至漢雜記冬至陽氣生而君子道長故賀又晉禮

志魏晉冬至日受方國及百僚稱賀因小會其儀亞於獻歲之日

臘始於黃帝

藝文有泰壹雜子候歲二十二卷有臘明旦占候則謂蜡始於堯周曰臘者非說文冬至後三戌臘

正五九月忌始於唐

釋氏智論云天帝釋以智寶鏡照四大神州每月一移察人善惡正五九月照南瞻部洲唐高祖崇其教武德二年正月甲子詔自今正月五月九月不得行死刑禁屠殺囚之不食



輦百官不支半錢其後因此遂不上官菽粟雜記謂新官上  
任祭告神祇必須宰殺故忌之宋人多以是三月食素誦經  
又後漢書匈奴傳匈奴俗歲有三龍祠常以三月五月九月  
戊日祭天神

忌辰始於周

文王忌日必憂禮君子有終身之憂忌日之謂也則忌始於  
周

避煞始於唐

俞文豹吹劍錄唐太常博士李才百忌歷載喪煞損害法如

禮記卷之九  
卷一  
三  
已日死者雄煞四十九日回煞十三四歲女雌煞出南方第  
三家煞白色男子至二十日及二十九日兩次回家至期必  
避俗又以死日推算如子日則損子午卯酉生人殮時雖孝  
子亦避按此尤可怪知禮家常闢之

百日始於漢

漢明帝營壽陵詔過百日惟四時設奠時佛法初入中國帝  
用其教也

七七始於六朝

北齊書孫靈暉傳南陽王綽死每至七日至百日靈暉爲請

僧設齋行道

生命稱屬始於六朝

周宇文護母留齊貽書護曰昔在武川鎮生汝兄弟大者屬  
鼠次者屬兔汝身屬此

六甲納音始於黃帝

路史甲乙木丑未土子水而午火六者無一金而風后配合  
乃以甲子乙丑甲午乙未爲之金此出乎數者然也數之所  
合變之所由出也

以干支推祿命始於周

左傳有日者即今以五行甲子推知休咎者流也淮南子曰  
者卜命以男命起寅女命起申逮唐貞元初李彌乾號虛中  
者始以日干爲主以人所生年月日合看生尅制化旺相休  
囚取立格局推人夭壽貴賤百不失一二時尚未加時也故  
唐有珞瑜子三命一卷宋有徐子平精其法並其生時參合  
之謂之八字後世術士宗之故稱子平又吳青壇讀書質疑  
云子平名居易五季人與麻衣道者陳圖南等隱華山元時  
耶律楚材又以甲火乙亭丙木丁金戊土巳月庚水辛炁壬  
計癸羅推命曰天官五星其法以生年干爲元祿其干受制



之星陰陽相配爲天官比干爲劫惟日無化喜忌詳十一曜  
會合經絡拱照串頂填鈞夾

偶年忌始於後魏

北史李繪六歲求入學家人以偶年俗忌不許今俗又以年  
前立春並閏年俱忌之